

## **АКАФИСТ**

### **ПРЕПОДОБНОМУ И БОГОНОСНОМУ ОТЦУ НАШЕМУ СЕРАФИМУ, САРОВСКОМУ ЧУДОТВОРЦУ**

#### **КОНДАК 1**

Избранный чудотворче и предивный угодниче Христов, скорый помощниче и молитвенниче наш, преподобне отче Серафиме! Величающе прославльшаго тя Господа, воспеваем ти похвальная. Ты же, имеяй велие дерзновение ко Господу, от всяких нас бед свободи, зовущих: **Радуйся, преподобне Серафиме, Саровский чудотворче.**

#### **ИКОС 1**

Ангелов Творец избра тя изначала, да прославиши житием твоим пречудное Имя Святыя Троицы: явился бо еси воистинну ангел на земли и во плоти серафим, яко луч пресветлый Вечнаго Солнца Правды, просветися житие твое. Мы же, зряще прехвальная труды твоя, с благоговением и радостию глаголем ти сицевая: **Радуйся, правило веры и благочестия; радуйся, образе кротости и смирения. Радуйся, преславное верных величание; радуйся, претихое скорбным утешение. Радуйся, прелюбимое иноков похваление; радуйся, живущим в мире предивное поможение. Радуйся, Российския державы славо и ограждение; радуйся, тамбовския страны священное украшение. Радуйся, преподобне Серафиме, Саровский чудотворче.**

#### **КОНДАК 2**

Видящи мати твоя, преподобне отче Серафиме, теплую любовь твою ко иноческому житию, позна святую волю Господню о тебе, и Богу, яко дар совершен приносящи, благослови тя на тесный путь иноческий святым крестом своим, егоже до конца жития твоего на персех носил еси, знаменуя велию любовь твою к распеншемуся за ны Христу Богу нашему, Емуже вси со умилением зовем: **Аллилуиа.**

#### **ИКОС 2**

Разум небесный тебе даровася, святче Божий: от юности твоя не престая помышляти о Небеснем, оставил еси дом отчий, Царствия Божия ради и правды Его. Сего ради прими от нас похвалы сия: **Радуйся, града Курска чадом богоизбранное; радуйся, родителей благочестивых отрасль пречестная. Радуйся, добродетели матере своя унаследивый; радуйся, благочестию и молитве ею наученный. Радуйся, на подвиги от матере крестом благословленный; радуйся, благословение сие яко святыню до смерти соблюдый. Радуйся, любве ради Господа дом отеческий оставивый; радуйся, вся красная мира сего ни во чтоже вменивый. Радуйся, преподобне Серафиме, Саровский чудотворче.**

#### **КОНДАК 3**

Сила Вышняго от юности твоя воистинну храняше тя, преподобне: с высоты бо храма спадша сохрани тя Господь неврежденна, и страждущу ти люте сама Владычица мира явися, с Небес исцеление принеши, зане измлада верно служил еси Богу, выну взывая Ему: **Аллилуиа.**

### **ИКОС 3**

Имея тщание о подвизе иноческого равноангельного жития, во град святыи Киев поклонения ради преподобным Печерским притекл еси, и от уст преподобнаго Досифеа повеление приим в пустыню Саровскую путь свой управити, верою издалеча облобызал еси место святое сие, и тамо вселився, житие твое богоугодное скончал еси. Мы же, дивящеся таковому о тебе Божию промышлению, со умилением вопием ти: **Радуйся, мирския суеты отрешивыйся; радуйся, Небеснаго Отечества пламенне возжелевый. Радуйся, Христа всем сердцем возлюбивый; радуйся, благое иго Христово на себе восприемый. Радуйся, совершеннаго послушания исполненный; радуйся, святых заповедей Господних блюстителю верный. Радуйся, ум твой и сердце в Бозе молитвенно утвердивый; радуйся, столпе благочестия непоколебимый. Радуйся, преподобне Серафиме, Саровский чудотворче.**

### **КОНДАК 4**

Бурю злых напастей утишая, прошел еси весь путь тесный и скорбный подвига иноческого, несый ярем пустынного жития, затвора и молчания, многонощнаго бдения, и тако благодатию Божиею восходя от силы в силу, от деяния к боговидению, преселился еси во Обители Горния, идеже со Ангелы поеши Богу: **Аллилуиа.**

### **ИКОС 4**

Слышаще и видяще святое житие твое, преподобне отче Серафиме, вся братия твоя удивляхуся тебе и, приходяще к тебе, поучахуся о словесех твоих и подвизех, славяще Господа, дивнаго во святых Своих. И мы вси с верою и любовию восхваляем тя, преподобне отче, и вопием ти сице: **Радуйся, всего себе в жертву Господеву принесый; радуйся, на высоту безстрастия возшедый. Радуйся, воине Христов добробедный; радуйся, Небеснаго Домовладыки рабе благий и верный. Радуйся, предстателю о нас пред Господом непостыдный; радуйся, к Богородице молитвенниче наш неусыпный. Радуйся, пречуднаго благоухания крине пустынный: радуйся, благодати Божия сосуде непорочный. Радуйся, преподобне Серафиме, Саровский чудотворче.**

### **КОНДАК 5**

Божественный свет осия жилище твое, преподобне, егда болящу ти и на одре смертнем лежащу, Сама Пречистая Дева, пришедши к тебе со святыми апостолы Петром и Иоанном, рече: “Сей есть от рода нашего” - и главе твоей коснуса. Абие же исцелев, воспел еси благодарне Господеву: **Аллилуиа.**

### **ИКОС 5**

Видя враг рода чловеча чистое и святое житие твое, преподобне Серафиме, восхоте погубити тя: наведе бо на тя люди злы, иже беззаконно истязаху тя и еле жива суща оставиша: ты же, отче святыи, яко агнец кроток, вся претерпел еси, за обидящих тя Господеву моляся. Темже мы вси, таковому твоему незлобию дивящеся, вопием ти: **Радуйся, в кротости и смирении твоём Христу Богу подражавый; радуйся, незлобием твоим духа злобы победивый. Радуйся, чистоты душевныя и телесныя хранителю усердный; радуйся, пустынниче, дарами благодатными преисполненный. Радуйся, подвижниче богопрославленный и прозорливый; радуйся, наставниче монахов предивный и богомудрый. Радуйся, Святыя Церкви похвало и радование;**

**радуйся, обители Саровския славо и удобрение. Радуйся, преподобне Серафиме, Саровский чудотворче.**

#### **КОНДАК 6**

Проповедует пустыня Саровская подвиги и труды твоя, богоносне угодниче Христов: дебри бо и леса ея молитвою облагоухал еси, пророку Божию Илии и Крестителю Господню Иоанну подражая, и явился еси пустыни прозябение многоплодное дарами Духа Святаго. Егоже действием многая и преславная совершил еси, подвизая верных воспевати благих Подателю Богу: **Аллилуиа.**

#### **ИКОС 6**

Возсия в тебе новый боговидец, Моисею подобный, Серафиме блаженне: непорочно бо служение олтарю Господню совершая, сподобился еси зрети Христа, во храме со Безплотными Силами грядуща. Сему Божию о тебе благоволению дивящися, воспеваем ти сице: **Радуйся, боговидче преславный; радуйся, Светом Трисиянным озаренный. Радуйся, Пресвятая Троицы служителю верный; радуйся, Духа Святаго жилище украшенное. Радуйся, Христа со Ангелы телесныма очима лицезревый; радуйся, в брennem телеси райскую сладость предвкусивый. Радуйся, Хлебom Жизни насыщенный; радуйся, питием безсмертия напоенный. Радуйся, преподобне Серафиме, Саровский чудотворче.**

#### **КОНДАК 7**

Хотя Человеколюбец Господь явити в тебе, преподобне, Свое неизреченное к людем милосердие, показа тя яко воистинну светило богосветлое: дела бо и словесы твоими всех приводил еси ко благочестию и любви Божией. Темже сиянием подвигов твоих просвещени и хлебом учения твоего насыщени, тебе усердно величаем и прославльшему тя Христу вопием: **Аллилуиа.**

#### **ИКОС 7**

Новаго видяще тя избранника Божия, издалеча притекаху к тебе вернии в скорбех и болезнях: и сих, бедами отягченных, не отринул еси, источая целения, даруя утешение, предстательствуя в молитвах. Темже исхождаше во всю землю Российскую вещание чудес твоих, и сице ты славляху духовная чада твоя: **Радуйся, пастырю наш добрый; радуйся, отче милостивый и кроткий. Радуйся, врачу наш скорый и благодатный; радуйся, немощей наших целителю милосердый. Радуйся, в бедах и обстояниях помощниче скорый; радуйся, душ смятенных умирителю пресладостный. Радуйся, грядущая яко настоящая провидевый; радуйся, прегрешений сокровенных обличителю прозорливый. Радуйся, преподобне Серафиме, Саровский чудотворче.**

#### **КОНДАК 8**

Странное чудо видим на тебе, преподобне: яко старец сый немощный и притрудный, тысящу дний и тысящу ночий на камени в молитве пребывал еси. Кто доволен изреци болезни и борения твоя, блаженне отче, яже претерпел еси, воздея преподобнии руке твои к Богу, Амалика мысленнаго побеждая и Господеву поя: **Аллилуиа.**

#### **ИКОС 8**

“Весь еси желание, весь сладость, Сладчайший Иисусе!” - тако в молитвах взывал еси, отче, в пустынном безмолвии твоём. Мы же, суетою помраченнии и во гресех все житие иждившии, восхваляюще любовь твою ко Господу, сице вопием ти: **Радуйся, любящим и чтущим тя ходатаю спасения; радуйся, приводяй**

грешников ко исправлению. Радуйся, молчальниче и затворниче предивный; радуйся, молитвенниче о нас усердный. Радуйся, пламенную любовь ко Господу показавый; радуйся, огнем молитвы стрелы вражия поपालивый. Радуйся, свеще неугасимая, молитвою в пустыни пламенеющая; радуйся, светильниче, горяй и светяй даровании духовными. Радуйся, преподобне Серафиме, Саровский чудотворче.

### **КОНДАК 9**

Все естество ангельское удивися странному зрению: старцу бо сущу в затворе, Небесе и земли Царица явися, повелевающи, да открыет затвор свой и да не возбранит людем православным внити к себе, но да всех пети научит Христу Богу: **Аллилуиа.**

### **ИКОС 9**

Ветия многовещанная не возмогут изрещи крепость любве твоя, блаженне: предал бо еси себе на служение всем приходящим к тебе, повеление Богоматере исполняя, и был еси недоумевающим советник благий, унывающим утешитель, заблуждающихся кроткое вразумление, болящих врач и целитель. Сего ради вопием ти: **Радуйся, от мира в пустыню вселивыйся, да добродетели приобрящеши; радуйся, из пустыни в обитель возвративыйся, во еже добродетели семена сеяти. Радуйся, Духа Святаго благодатию осиянный; радуйся, кротосте и смирения исполненный. Радуйся, притекавшим к тебе отец чадолубивый; радуйся, в словесех любве ободрение и утешение им подававый. Радуйся, приходящия к тебе радостию и сокровищем именовавый; радуйся, за любовь твою святую радостей Небеснаго Царствия сподобивыйся. Радуйся, преподобне Серафиме, Саровский чудотворче.**

### **КОНДАК 10**

Спасительнаго твоего подвига, преподобне, достиг скончания, на молитве коленопреклоненно, святую душу твою в руце Божии предал еси, юже Ангели Святии вознесоша Горе ко Престолу Вседержителя, да со всеми святыми предстоиши во славе невечерней, воспевая песнь хвалебную святых Святейшему Слову: **Аллилуиа.**

### **ИКОС 10**

Стена всем святым и иноком отрада, Пресвятая Дева пред кончиною твоею явися ти, провозвестивши близкое твое к Богу отшествие. Мы же, дивящися таковому посещению Богоматере, вопием ти: **Радуйся, небесе и земли Царицу лицезревый; радуйся, явлением Божия Матере обрадованный. Радуйся, весть от нея ко преселению Небесному приемый; радуйся, праведною кончиною святость жития твоего показавый! Радуйся, в молитве пред иконою Богоматере умиленный дух твой Богу предавый; радуйся, неболезненным исходом проречения твоя исполнивый. Радуйся, венцем бессмертия от руки Вседержителя увенчанный; радуйся, блаженство райское со всеми святыми унаследовавый. Радуйся, преподобне Серафиме, Саровский чудотворче.**

### **КОНДАК 11**

Пение непрестанное Пресвятей Троице вознося, преподобне, всем житием твоим подвижник великий благочестия явился еси, заблуждшим на вразумление, болящим душею и телом на исцеление. Мы же, благодарни суще Господеви за таковую милость Его к нам, выну зовем Ему: **Аллилуиа.**

## **ИКОС 11**

Светоподательный светильник быв в житии, богоблаженне отче, и по смерти твоей возсиял еси яко светозарное светило Российския земли: источаеши бо от честных мощей твоих токи чудес всем с верою и любовью к тебе притекающим. Темже мы, яко молитвеннику о нас теплomu и чудотворцу вопием ти: **Радуйся, множеством чудес от Господа прославленный; радуйся, любовью твоею всему миру возсиявый. Радуйся, любве Христовы верный последователю; радуйся, утешение всем требующим твоея помощи. Радуйся, источнике чудес неоскудеваемый; радуйся, болящих и недужных исцелителю. Радуйся, воды многоцелебныя кладязю неисчерпаемый; радуйся, яко вся концы земли наша любовь твоею объял еси. Радуйся, преподобне Серафиме, Саровский чудотворче.**

## **КОНДАК 12**

Благодать и велие твое дерзновение пред Богом ведуще, тебе, преподобне отче, молимся: молися тепле ко Господу, да хранит Церковь Свою Святую от неверия и раскола, от бед и напастей, да поем тобою благодющему нам Богу: **Аллилуиа.**

## **ИКОС 12**

Поюще твое прославление, ублажаем тя, преподобне, яко многомогнa молитвенника о нас пред Господем, утешителя и заступника, и с любовью возглашаем ти сице: **Радуйся, Церкви Православныя похвало; радуйся, Отечеству нашему щит и ограждение. Радуйся, путеводителю, всех к Небеси направляя; радуйся, защитнике наш и покровителю. Радуйся, силою Божиею многия чудеса содеявый; радуйся, ризою твоею многия недужныя исцеливый. Радуйся, вся козни диавольския победивый; радуйся, звери дивия кротостию твоею покоривый. Радуйся, преподобне Серафиме, Саровский чудотворче.**

## **КОНДАК 13**

О предивный угодниче и великий чудотворче, преподобне отче Серафиме, прими малое сие моление наше, в похвалу тебе возносимое, и предстоя ныне Престолу Царя царствующих, Господа нашего Иисуса Христа, молися о всех нас, да обрящем милосердие Его в день судный, в радости поюще Ему: **Аллилуиа.**

(Этот кондак читается трижды, затем 1-й икос "Ангелов Творец избра ты изначала..." и 1-й кондак "Избранный чудотворче...").

## **МОЛИТВЫ ПРЕПОДОБНОМУ СЕРАФИМУ**

### **МОЛИТВА ПЕРВАЯ:**

О, пречудный отче Серафиме, великий Саровский чудотворче, всем прибегающим к тебе скоропослушный помощниче! Во дни земнаго жития твоего никтоже от тебе тощ и не утешен отъиде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилен в тебе явися. Егда же призва тя Бог от земных трудов к небесному упокоению, николиже любовь твоя преста от нас, и невозможно есть исчислити чудеса твоя, умножившаяся, яко звезды небесныя: се бо по всем концем земли наша людям Божиим являешия и даруеши им исцеления. Темже и мы вопием ти: о претихий и кроткий угодниче Божий, дерзновенный к Нему молитвенниче, николиже призывающия Тя отреваяя, вознеси о нас благомогнущую твою молитву ко Господу Сил, да укрепит отечество наше, да дарует нам вся благопотребная в жизни сей и вся к душевному спасению

полезная, да оградит нас от падений греховных и истинному покаянию научит нас, во еже безпреткновенно внити нам в вечное Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу до скончания века. Аминь.

### **МОЛИТВА ВТОРАЯ**

О, великий угодниче Божий, преподобне и богоносне отче наш Серафиме! Призри от Горния славы на нас, смиренных и немощных, обремененных грехми многими, твоя помощи и утешения просящих. Приинки к нам благосердием твоим и помози нам заповеди Господни непорочно сохранять, веру Православную крепко содержать, покаяние во гресех наших усердно Богу приносить, во благочестии христианством благодатно преуспевати и достойны быти твоего о нас молитвенного к Богу предстательства. Ей, святче Божий, услыши нас, молящихся тебе с верою и любовью, и не презри нас, требующих твоего заступления: ныне и в час кончины нашея помози нам и заступи нас молитвами твоими от злобных наветов диавольских, да не обладает нами тех сила, но да сподобимся помощью твоею наследовати блаженство обители райския. На тя бо упование наше ныне возлагаем, отче благосердый: буди нам воистинну ко спасению путевождь и приведи нас к невечернему свету Жизни Вечныя Богоприятным предстательством твоим у Престола Пресвятыя Троицы, да славим и поем со всеми святыми достопокланяемое Имя Отца и Сына и Святаго Духа во веки веков. Аминь.

### **ВЕЛИЧАНИЕ:**

Ублажаем тя, преподобне отче Серафиме, и чтим святую память твою, наставниче монахов и собеседниче Ангелов.

### **ТРОПАРЬ, ГЛАС 4:**

От юности Христа возлюбил еси, блаженне, и Тому Единому работати пламенно вожделев, непрестанною молитвою и трудом в пустыни подвизался еси, умиленным же сердцем любовь Христову стяжав, избранник возлюблен Божия Матери явился еси. Сего ради вопием ти: спасай нас молитвами твоими Серафиме, преподобне отче наш.

### **КОНДАК, ГЛАС 2:**

Мира красоту и яже в нем тленная оставив, преподобне, в Саровскую обитель вселился еси: и тамо ангельски пожив, многим путь был еси ко спасению: сего ради и Христос тебе, отче Серафиме, прослави, и даром исцелений и чудес обогати. Тем же вопием ти: радуйся, Серафиме, преподобне отче наш.

Память преподобного Серафима празднуется 2 (15) января - день преставления (1833), второе обретение мощей (1991), а также 19 июля (1 августа) - первое обретение мощей (1903).

## **Служба Преподобному и Богоносному Отцу Нашему Серафиму Саровскому Чудотворцу**

### **НА МАЛОЙ ВЕЧЕРНИ**

**НА ГОСПОДИ, ВОЗЗВАХ: СТИХИРЫ НА 4, САМОГЛАСНЫ,  
ГЛАС 4:**

Сошедшеся днешь, христоименитии людие, похвальными песнями венчаем земнаго Ангела и небеснаго человека, и к нему тепле возопиим: о блаженне отче Серафиме, постников преславная похвало, о нас молися ко Господу, помиловатися душам нашим.

Целомудрие и кротость от юности возлюбив, отче Серафиме, чистотою ума и сердца любовь Христову стяжал еси, еюже Богови приблизился еси. Того убо ныне моли, от бед избавити верою творящих честную память твою.

Днешь сошедшеся христоименитых людей множества в прославление честных мощей твоих, преподобне отче Серафиме, радости и веселия вси исполнишася: явил бо ся еси болящим исцеление и хромым хождение, с верою притекающим к раце мощей твоих.

**СЛАВА, ГЛАС 6:**

Веселися и радуйся о Господе, обитель Саровская: в тебе бо возсия светильник новый Российския земли: красуйся и ликуй церковь Божия, и иноков множества, сорадуйтесь: празднлюбивых собори, възиграйте, и венец от духовных цветов сплетше, с Давидом воспойте: честна пред Господем смерть преподобных Его. Сия бо преподобному Серафиму начало славы полагает, еяже общники и нас сотвори твоими молитвами, блаженне.

**И НЫНЕ, БОГОРОДИЧЕН ГЛАС 5:**

Утоли болезни многовоздыхающия души моя, утолившая слезы от лица земли: ты бо земным болезни отгоняеши, и грешным скорби разрешаеши: Тебе бо вси стяжахом надежду и утверждение, Всесвятая Мати Дево.

**НА СТИХОВНЕ СТИХИРЫ, ГЛАС 2:**

Изшед от отечествия твоего, преподобие отче Серафиме, и града Киева дошед, тамо у мощей чудотворец на путь спасительнаго подвига благословение приял еси: сие убо и нам низпосли, творящим всесвятую твою и пречестную память.

**Стих:** Честна пред Господем смерть преподобных Его.

Велий искус в послушании иноческих подвигов, преподобне отче Серафиме, с любовию приял еси, и братию твоим терпением и любовию удивил еси: моли спастися душам нашим.

**Стих:** Блажен муж бояйся Господа, в заповедех Его восхощет зело.

Наставлении игумена укрепляемь, в пустынное место Сарова вселился еси, отче, и тамо молитвенному подвигу крепко прилежати потщился еси, и явился еси дом Пресвятаго Духа: моли Христа Бога о всех нас.

**СЛАВА, И НЫНЕ, БОГОРОДИЧЕН ГЛАС ТОЙЖЕ:**

Предстательница и покров Ты еси, Пречистая, избави нас от бед лютых и обстояний, и души наша спаси Божественными Твоими молтвами.

## **ТРОПАРЬ ПИСАН НА ВЕЛИЦЕЙ ВЕЧЕРНИ.**

### **НА ВЕЛИЦЕЙ ВЕЧЕРНИ**

#### **БЛАЖЕН МУЖ: 1-Й АНТИФОН. НА ГОСПОДИ, ВОЗЗВАХ: СТИХИРЫ НА 8, ГЛАС 1.**

##### **ПОДОБЕН: О, ДИВНОЕ ЧУДО:**

О преславное чудо, подвижник благочестия в Сарове является, и молитвенник к Богу теплый Серафим пречудный нам бывает: веселися, обитель Саровская, имущи в себе мощи преподобного: взиграйте, православных множества, пре дивнаго Серафима имуще в бедах заступника и вопиюще к нему: радуйся, светильниче Российския земли, тьмы сопротивных далече отреваи, и Господеву молися, даровати душам нашим мир и велию милость.

О, дивное чудо, се бо воистинну во обители Саровстей благочестия столп непоколебимый Серафим блаженный является нам: темже, богомудрых собори, на высоту духом возноситеся, к преподобному вопиюще: преподобне отче Серафиме, Господеву молися даровати душам нашим мир и велию милость.

Дивны Твоя тайны, Христе Боже, яко даровал еси нам светильника преподобнаго Серафима, верным людем на сопротивныя крепкаго поборника, иноком и всем православным христианом молитвенника, святей обители похвалу и утверждение: молися, преподобне, Госповеди, даровати душам нашим мир и велию милость.

Егда вшел еси, преподобне, в пустыню Саровскую, тогда, своя воли до конца совлекся, твердое ко всем послушание показал еси: досады бо и безчестия претерпел еси радуяся, ударения и раны от злых человек приял еси, о нихже и молился еси преподобне: мы же, прославляюще пречестную память твою, молим ти ся, преподобне; Господеву молися мир мирови даровати и душам нашим велию милость.

Блаженна обитель Саровская, имущи тебе, преподобне отче Серафиме, добродетелей сокровище, сосуд чистоты, приятелище благодати, источник исцелений, целомудрия хранителя, болящим врача безмездна, постника истинна, в скорбех утешителя, житейскими страстьми обуреваемым тихое пристанище: нам же, творящим честную память твою, моли, преподобне отче Серафиме, даровати мир и велию милость.

Днесь ликуют собори верных в память твою, преподобне Серафиме, и велегласно вопиют: ты, любве ради Христовы вся красная мира оставив и в пустыню Саровскую вселився, никакоже устрашился еси невидимых враг борения, но сия молитвами твоими яко прах отметал еси: темже Господеву молися, даровати душам нашим мир и велию милость.

##### **СЛАВА, ГЛАС 8:**

Приидите, верных собори, похвальными песньми днесь пречуднаго отца прославим и сице ему возопиим: преподобне отче Серафиме, воистинну сподобился еси Божественныя жизни, приим от Бога венец нетленныя славы, Сего ради обитель Саровская тобою хвалится, людие же, зряще честую раку мощей твоих чудеса бываемая, славят прославляющаго тя Господа: Емуже молися, преподобне, даровати душам нашим мир и велию милость.



## **И НЫНЕ, БОГОРОДИЧЕН ГЛАС ТОЙЖЕ:**

Царь небесный за человеколюбие на земли явился и с человеки поживе: от Девы бо Чистыя плоть приемый, и из Нея прошедый с восприятием: един есть Сын, сугуб естеством, но не ипостасию. Темже совершенна того Бога, и совершенна человека воистину проповедающе, исповедуем Христа Бога нашего: Егоже моли, Мати безвестная, помиловаться душам нашим.

### **ВХОД. ПРОКИМЕН ДНЕ. И ЧТЕНИЯ 3.**

#### **ПРЕМУДРОСТИ СОЛОМОНОВЫ ЧТЕНИЕ.**

**(глава 3):** Праведных души в руке Божией, и не прикоснется их мука. Непщевани быша во очесех безумных умрети, и вменися озлобление исход их, и еже от нас шествие сокрушение: они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я и обрете их достойны себе: яко злато в горниле искуси их и яко всеплодие жертвенное прият я. И во время посещения их возсияют, и яко искры по стеблию, потекут: судят языком и обладают людьми, и воцарится Господь в них во веки. Надеющиися нань разумеют истину, и вернии в любви пребудут Ему. Яко благодать и милость в преподобных Его и посещение во избранных Его.

#### **ПРЕМУДРОСТИ СОЛОМОНОВЫ ЧТЕНИЕ.**

**(главы 5 и 6):** Праведницы во веки живут, и в Господе мзда их, и попечение их у Вышняго. Сего ради примут царствие благолепия и венец доброты от руки Господни: зане десницею покрывает я и мышцею защитит их. Приимет всеоружие рвение свое и вооружит тварь в месть врагом, облечется в броня правды, и возложит шлем суд нелицемерен, примет щит непобедимый преподобие, поострит же напрасный гнев во оружие: споборет же с ним мир на безумныя. Пойдут праволучныя стрелы молниины, и яко от благокругла лука облаков, на намерение полетят. И от каменометныя ярости исполнь падут грады: вознегодует на них вода морская, реки же потопят я нагло. Сопротив станет им дух силы, и яко вихор развеет их: и опустошит всю землю беззаконие, и злодейство превратит престолы сильных слышите убо, царие, и разумеите: навькните, судии концев земли. Внушите держащии множества и гордящиися о народех язык: яко дана есть от Господа держава вам, и сила от Вышняго.

#### **ПРЕМУДРОСТИ СОЛОМОНОВЫ ЧТЕНИЕ.**

**(глава 4):** Праведник аще постигнет скончатися, в покои будет. Старость бо честна не многолетна, ниже в числе лет исчисляется: седина же есть мудрость человеком, и возраст старости житие нескверное. Благоугоден Богови быв, возлюблен бысть и живой посреде грешник преставлен бысть: восхищен бысть, да не злоба изменит разума его, или лесь прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долга: угодна бо бе Господеви душа его: сего ради потщася от среды лукавствия. Людие же видевшие и не разумевшие, ниже положше в помышлении таковое, яко благодать и милость в преподобных Его и посещение во избранных Его.

### **НА ЛИТИИ СТИХИРЫ, ГЛАС 1:**

Киими похвальными венцы венчаим подвижника великаго, преподобнаго Серафима той бо яко наставник добрый в твердости веры и добродетели явился, Богодухновенными учении и равноангельным житием приходящия к нему научая.

Темже вопием ему: молися, преподобне, Христу Богу Православную веру утвердити и душам нашим спастися.

Приидите, инок множества, днесь преподобного благочестно восхвалим, истинного ученика Спасова, мирскую прелесть поправшаго, ярем Христов на рамо взявшаго и полки бесов посрамившаго. К немуже возопиим сице: не забуди нас, отче Серафиме, восхваляющих и чтущих святую память твою.

Светлая и Божественная память твоя, преподобне Серафиме, удиви цари, князи и святители, яко безплотен во плоти враги невидимья посрамил еси: вся же страна Тамбовская и святая обитель Саровская, имущи твоя святыя мощи, хвалится, сими бо здравие всем с верою притекающим, к честней твоей раце подается. Темже, просветившися тобою, вопием ти, преподобне: моли спастися душам нашим.

### **СЛАВА, ГЛАС 5:**

Радуйся днесь, вся Российская земле, и святая обитель Саровская, веселися. Верных же множества, стекшеся днесь, прославим преподобного отца, пастыря и учителя, Богомудраго наставника заблуждшим, скорого всех болящих целителя, Российския земли великое украшение, егоже похваляюще сице рцем: преподобне Серафиме, спаси нас молитвами твоими.

### **И НЫНЕ, БОГОРОДИЧЕН ГЛАС ТОЙЖЕ:**

Храм и дверь еси, палата и престол царев, Дево всечестная, Еюже избавитель мой, Христос Господь, во тьме спящим явися, солнце сый правды, просветити хотя, яже созда по образу Своему рукою Своею! Темже, всепетая, яко Матерне дерзновение к Нему стяжавши, непрестанно моли спастися душам нашим.

### **НА СТИХОВНЕ СТИХИРЫ, ГЛАС 5.**

#### **ПОДОБЕН: РАДУЙСЯ, ЖИВОНОСНЫЙ КРЕСТЕ:**

Радуйся, ангелом собеседниче, преподобне Серафиме, благочестно бо на земли пожив, многи приходящих к тебе страху Господню поучал еси. Благодатию Пресвятаго Духа озаряемь, зрел еси будущая, яко настоящая, и умиления и радости многих скорбящих душею исполнял еси: темже молим ти ся, молися Господеву о чтущих тя.

**Стих:** Честна пред Господом смерть преподобных Его.

Радуйся, заблуждших учителю предивный, Христа Господа во храме со архангелы и ангелы видети сподобивыйся. И ныне, преподобне, на небесех того зрения выну наслаждаяся, молися о нас верою творящих память твою.

**Стих:** Блажен муж бояйся Господа, в заповедех Его восхощет зело.

Радуйся, преподобие Серафиме, всем бо хранити истинную веру Христову заповедал еси, и вышняго жития вожделев, богатство возненавидел еси: ныне же неизреченную красоту небесную зриши, и сладкаго пения ангельскаго наслаждаешися. Темже молися Господеву даровати нам мир и велию милость.

### **СЛАВА, ГЛАС 6:**

Преподобне отче Серафиме, кто исповесть труды твоя и болезни? или кий язык изречет жестокое пустынное твое житие, бдение же и пощение, еще же в затворе пребывание, устен безмолвие и моление непрестанное? воистинну явился еси постником украшение, молитвенник к Богу непостыдный. Темже к тебе вопием: радуйся, иноческаго жития правило: радуйся, в бедах и скорбех великое утешение и теплый всем предстателю: молися, преподобне, спастися душам нашим.

## **И НЫНЕ, БОГОРОДИЧЕН:**

Творец и избавитель мой, Пречистая, Христос Господь, из Твоих ложесн прошел в мя оболкийся, первыя клятвы адама свободы: темже Ти, всечистая, яко Божии Матери же и Деве воистинну, вопием немолчно: радуйся, ангельски, радуйся, Владычице, предстательство и покрове и спасение душ наших.

### **НА БЛАГОСЛОВЕНИИ ХЛЕБОВ ТРОПАРЬ ПРЕПОДОБНОМУ, ДВАЖДЫ, И СЛАВА И НЫНЕ БОГОРОДИЧЕН:**

Еже от века утаеное и ангелом несведомое таинство: Тобою, Богородице, сущим на земли явися Бог, в неспитном соединении воплощаем, и крест волею нас ради восприим, имже воскресив первозданнаго, спаси от смерти души наша.

### **(ИЛИ – СЛАВА И НЫНЕ: К БОГОРОДИЦЕ, СО УМИЛЕНИЕМ: ЕДИНОЖДЫ.)**

### **ТРОПАРЬ НА ПРОСЛАВЛЕНИЕ ПРЕПОДОБНАГО СЕРАФИМА, ГЛАС 4:**

От юности Христа возлюбил еси, преподобне, и Тому Единому поработати пламенне вождедел еси, в пустынном житии твоём непрестанною молитвою и трудом подвизался еси, умиленным сердцем любовь Христову стяжав, Небесным Серафимом в песнословии споборниче, в любви притекающим к тебе Христу подражателю, темже избранник возлюблен Божия Матере явился еси, сего ради вопием ти: спасай нас молитвами твоими, радости наша, теплый пред Богом заступниче, Серафиме блаженне.

### **ИН ТРОПАРЬ, НА ПРЕСТАВЛЕНИЕ ПРЕПОДОБНАГО СЕРАФИМА, ГЛАС ТОЙЖЕ:**

От юности Христа возлюбил еси, блаженне, и, Тому Единому работати пламенне вождедел, непрестанною молитвою и трудом в пустыни подвизался еси, умиленным же сердцем любовь Христову стяжав, избранник возлюблен Божия Матере явился еси. Сего ради вопием ти: спасай нас молитвами твоими, Серафиме, преподобно отче наш.

### **ТРОПАРЬ БОГОРОДИЦЫ, ГЛАС 4:**

К Богородице со умилением припадем, вси, грехми обремененнии, чудотворную Ея икону Умиления облобызающе и вопиюще со слезами: Владычице, прими моление недостойных раб Твоих и подаждь нам, просящим, велию Твою милость.

## **НА УТРЕНИ**

### **НА БОГ ГОСПОДЬ: ТРОПАРЬ СВЯТАГО, ДВАЖДЫ.**

### **СЛАВА, И НЫНЕ: ЕЖЕ ОТ ВЕКА...**

### **(ИЛИ: К БОГОРОДИЦЕ СО УМИЛЕНИЕМ)**

### **ПО 1-М СТИХОСЛОВИИ СЕДАЛЕН, ГЛАС 4:**

Знаменем крестным и молитвою вражия искушения победив, постом и воздержанием Господеви благоугодил еси: темже чудес приял еси дар, всем исцеления подавая, верою притекающим к раце мощей твоих, Серафиме

преподобне: моли Христа Бога, грехов оставление даровати чтущим любовию святую память твою. (дважды.)

**СЛАВА, И НЫНЕ, БОГОРОДИЧЕН:**

Ужасно чудо зачатия, и несказанен образ рожества в тебе познася, Чистая Приснодево, ужасает мой ум, и удивляет помышление: слава Твоя, Богородице, всем простерта на спасение душам нашим.

(Или - Пречистая Дево Богородице, помилуй нас, прибегающих с верою к Тебе, Милосердной, и просящих теплаго заступления Твоего. Можеша бо, яко Благая, всех спасти и яко Мати Бога Вышняго Матерними Твоими молитвами всегда избавляеши чтущих Тя от всех бед, Умиление.)

**ПО 2-М СТИХОСЛОВИИ СЕДАЛЕН, ГЛАС 1:**

Во глубине пустыни Саровския колена преклоняя еси на камени воздеяв преподобней твои руце ко Господу: темже от Спаса благодать Святаго Духа приял еси, страждущих телеса исцеляти и души верных просвещати. Сего ради вопием ти: моли, преподобне, Христа Бога спастися нам, празднующим святую память твою. (дважды.)

**СЛАВА, И НЫНЕ, БОГОРОДИЧЕН:**

Молитву приемши от нас, в кров Твой, Пречистая Дево прибегающих, не престай моляши Человеколюбца спастися рабом Твоим.

(Или - Матерь Тя Божию молим вси воистинну и к щедротам Твоим вопием, любовию прибегающе к Твоей иконе: Тя бо имамы, грешнии. Заступницу, Умиление, и Тебе стяжанием в напастех спасение, Едину Пречистую.)

**ПО ПОЛИЕЛЕИ СЕДАЛЕН, ГЛАС 7:**

Просия добродетельное житие твое, преподобне, ныне в Российской земли, и от всех песнями похвальными славишия: ты бо, яко Илия на колесницу добродетелей вшед, на небеса душею возлетел еси и тамо праведно пресветлым венцем венчался еси. Темже благодаряще вопием ти, блаженне Серафиме: моли Христа Бога, грехов оставление даровати чтущим любовию святую память твою. (дважды.)

**СЛАВА, И НЫНЕ, БОГОРОДИЧЕН:**

Стена необоримая нам, Христианом, еси. Богородице Дево: к Тебе бо прибегающе, невредимы пребываем и, паки согрешающе, имамы Тя Молитвенницу, Умиление; тем, благодаряще, вопием Ти: радуйся, всех радостей Радосте.

**ТАЖЕ СТЕПЕННА, 1-Й АНТИФОН 4-ГО ГЛАСА.**

**Прокимен, глас 4:** Честна пред Господем смерть преподобных Его.

**Стих:** Что воздам Господеву о всех, яже воздаде ми?

**ЕВАНГЕЛИЕ ОТ МАТФЕЯ, ЗАЧАЛО 43:**

Рече Господь Своим учеником: вся Мне предана суть Отцем Моим: и никтоже знает Сына, токмо Отец: ни Отца кто знает, токмо Сын, и емуже аще волит Сын открыти. Приидите ко Мне вси труждающиися и обремененнии, и Аз упокою вы: возьмите иго Мое на себе и научитесь от Мене; яко кроток есмь и смирен сердцем: и обряцете покой душам вашим: иго бо Мое благо, и бремя Мое легко есть.

## **ПО 50-М ПСАЛМЕ СТИХИРА, ГЛАС 6:**

Днесь вернии, духовно торжествующе в нарочитом празднице преподобнаго отца, и благочестно радуящеся, тому тепле возопиим: радуйся, Серафиме блаженне: радуйся, небесный человек и земный ангеле: радуйся, многих на путь спасения наставивый: радуйся, верным похвало и Российстей земли утверждение: молися о душах наших.

## **КАНОН БОГОРОДИЦЕ ПАРАКЛИСИС, СО ИРМОСОМ НА 6 И СВЯТОМУ ДВА КАНОНА НА 8. ГЛАС 6.**

### **ПЕСНЬ 1**

**Ирмос:** Яко по суху, пешешествовав Израиль по бездне стопами, гонителя фараона видя потопляема, Богу победную песнь поим, вопияше.

Господи, отверзи мои недостойнеи устне, и даждь ми слово разума, воспети достойно память блаженнаго Серафима ныне со ангелы молящагося Тебе, избавити нас от всякаго лютаго обстояния.

К Богородице великий молитвенник был еси, преподобне, Юже видети со апостолы сподобился еси: и ныне не престай молитвами твоими посещати чад твоих.

От юности твоя, преподобне, предался еси умом Богови, и страсти телесныя крепким воздержанием укротив, всякими добродетельми украсился еси, премудре.

**Богородичен:** Всеблагая Владычице, Яже преблагаго Бога плотию рождши, озлобленное страстьми мое сердце очисти, да верою и любовию величаю Тя.

## **ИН КАНОН ПРЕПОДОБНАГО, ГЛАС 8.**

### **ПЕСНЬ 1**

**Ирмос:** Воду прошед, яко сушу, и египетскаго зла избежав, израильтянин вопияше: избавителю и Богу нашему поим.

По заповеди Владыки Христа узким и тесным путем вшел еси, преподобне, в царство небесное, широкий и пространный путь возненавидев, и ныне молися о нас, творящих пресветлую память твою.

От юности на безстрастия гору возшед и крест свой взял, невозвратно Христу последовал еси и, духовную мудрость стяжав, горняго Иерусалима достигл еси, преподобне, моли о нас Единаго Человеколюбца.

Ныне предстоя, преподобне престолу Божию, молися о стране нашей, избавитися от нашествия иноплеменных, и христолюбивым людем земли Российския спасение испроси молитвами твоими, преподобне.

**Богородичен:** С верою и любовию притекающих к Тебе и со страхом поющих Тя молитвенный глас услыши, Владычице.

## **КАТАВАСИЯ: ОТВЕРЗУ УСТА МОЯ:**

### **ПЕСНЬ 3**

**Ирмос:** Несть свят, якоже Ты, Господи Боже мой, вознесый рог верных твоих, блаже, и утвердивый нас на камени исповедания Твоего.

Молитвами твоими, преподобне, предстоя Богу со ангелы, за весь мир молися, брани вражия потребити и победу на супостаты даровати.

От юности верою и любовью прилепился еси Владыце вышних сил, преподобне Серафиме: и, возсияв в пустыни Саровстей, яко солнце, в скорбех приходящим к тебе утешитель был еси; моли спастися нам.

Явился еси, преподобне, молящимся тебе столп непоколебим и прибежище всем притекающим во обитель Саровскую и приемлющим исцеления благодать неоскудную.

**Богородичен:** Услыша Ева праматерь: в печалех родиши чада. Ты же, Чистая Дево, услышавши: Господь с Тобою, радуйся,- радованным гласом печаль праматере потребила еси.

## ИН

**Ирмос:** Небеснаго круга верхотворче, Господи, и церкви Зиждителю, Ты мене утверди в любви Твоей, желаний краю, верных утверждение, Едине Человеколюбче.

Молися, блаженне, Христу Богу избавитися нам от глада и пагубы, от напрасныя смерти, от тайных прегрешений и помышлений лукавых, да чистым сердцем Христу возопиим: молитвами преподобнаго спаси нас. Господи.

Кротостию и смирением последуя Владыце Христу, всем вся воистинну был еси, богатых же и убогих неослабно благочестию поучая, будущая, яко настоящая, провидел еси: моли Христа Бога, преподобне, согрешений наших оставление даровати.

Избави обитель твою, преподобне, от всякаго навета вражия и исполни ю любве и благодати, еже не помышляти о житейских, но душеспасительныя достигнути доброты молитвами твоими.

**Богородичен:** Упование и надежда наша Ты еси, Пресвятая Владычице, спаси православныя христианы, молящияся и имя Твое призывающия.

## СЕДАЛЕН, ГЛАС 4:

Житейское море страстей воздержанием препобедив и в пристанище безстрастия притек, сосуд воздержания явился еси, преподобне Серафиме, моли Христа Бога даровати нам велию милость.

## СЛАВА, И НЫНЕ, БОГОРОДИЧЕН:

Егда предстану пред лицом Создателя моего в день праведнаго суда Его, тогда, Владычице, предстани ми и муки избави мя вечныя, да не сниду во ад, но да спасуся Твоим, Пресвятая Богородице, заступлением.

(Превзыдоша главу мою греси мои, Владычице, осквернен ими есмь, и несть исцеления в плоти моей, но Ты, Многоблагоутробная, даруй души моей слезы покаяния на очищение скверн греховных и телесныя недуги уврачуй. Врача всяческих и Господа рождшая.)

## ПЕСНЬ 4

**Ирмос:** Христос моя сила, Бог и Господь, честная Церковь боголепно поет, зывающи, от смысла чиста о Господе празднующи.

Днесь светло празднует Саровская обитель память твою, преподобне, и молит тя, испроси у Господа вселенней мир и душам нашим велию милость.

Великими подвиги твоими, преподобне, яко финикс процвел еси, словесы благоплодными и непорочным житием сердца притекающих к тебе услаждая. И ныне убо молися, да обрящем милость от Христа Спаса нашего.

Твоими молитвами о нас умоли Бога, преподобне Серафиме, и греховный мрак печали наша разори; безстрашием, верою и любовию украси всех, преславную память твою чтущих.

**Богородичен:** Радуйся, Владычице Дево, церквам красота, благочестивым людям державе и похвале, непрестанно молися Христу Богу, да сохранит нас от бед молитвами Твоими.

## ИН

**Ирмос:** Услышах, Господи, смотрения Твоего таинство, разумех дела Твоя и прославих Твое Божество.

Не токмо святая обитель Саровская, но и вся Российская земля имеет тя, блаженне, молитвенника теплаго и скорого помощника, крепкого и непобедимаго заступника и ходатая о душах наших.

Буди о нас молебник и ходатай ко Пресвятей Троице, и подвижни на молитву с собою лики святых, ихже житию поревновал еси, преподобне: с нимиже купно молися о мире и устройении всего мира, да тихое и безмолвное житие поживем в веце сем, и в будущем жизнь вечную наследуем.

В постницах велик быв, преподобне, тесное иноческое в пустыни житие проходил еси, и сие во умиленной молитве скончал еси: моли спастися нам.

**Богородичен:** Ты еси, Пречистая Богородице, прибежище наше и утверждение, моли Сына Твоего и Бога нашего подати нам спасение и грехов оставление.

## ПЕСНЬ 5

**Ирмос:** Божиим светом Твоим, Блаже, утренюющих Ти души любовию озари, молюся, Тя ведети, Слове Божий, истиннаго Бога, от мрака греховнаго взывающа.

Всем приходящим к тебе был еси учитель истинный, и к Богородице великий молитвенник, и ныне, преподобне, не престай моляся о чадах твоих, яко имаша дерзновение велие.

Да внидут ныне христоименитии людие во храм обители Саровския, к честным мощем твоим, преподобне Серафиме, припадающе, и да просят от тебе исцеления, здравия и спасения, Христа величающе.

В нощи молящу ти ся Богу, преподобне, враг невидимый хотяше устрашити тя: но молитвою твоею посрамлен, исчезе вселукавый.

**Богородичен:** Бога, Егоже родила еси, Пречистая Марие, моли рабом Твоим подати прегрешений оставление.

## ИН

**Ирмос:** Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Постом и непрестанною молитвою прославил еси, преподобне, обитель Саровскую, елеем от иконы Владычицы помазую недужныя и тем исцеление неоскудно подавая, и ныне молися спастися душам нашим.

Святителие и священницы сорадуйтеся иноком Саровским, и простию людие вкупе воспойте блаженнаго отца, обуреваемых скорбьми тихое пристанище, врача душевным и телесным недугом скорого.

Принеси молитвы твоя, преподобне, яко жертву благоприятну и непорочну ко Пресвятей Троице, и не забуди нас, ныне творящих память твою: даждь милость ненавидящим, обидящим и враждующим на нас, и избави всех от всякия скорби.

**Богородичен:** Управи ум мой, Владычице, обуреваемый страстями многими; спаси, Богородице, к Тебе прибегающия, иныя бо помощи, Чистая, разве Тебе, не знаем.

## ПЕСНЬ 6

**Ирмос:** Житейское море, воздвигаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Святая душа твоя обитель бысть Богу, в нейже Отец, Сын и Святой Дух вселися: темже молим тя, преподобне, наваждения вражия от чтущих тя отжени, и православным людем мир и здравие даруй.

Великия твоя пустынные подвиги и труды и сладость учения твоего почитаем, преподобне Серафиме, имже многия приходящия к тебе просветил еси и научил еси воспевати единосущную Троицу.

Житием чистым последовав Владыце Христу, течение доброе скончал еси, преподобие: к вечным же обителем возшед, блаженне, зриши тамо, яже Ангели видят: темже, чтуще память Твою, Христа величаем.

**Богородичен:** Ныне к Тебе прибегаю, Пречистая, спаси мя молитвами Твоими и соблюди: елика бо хочещи, можещи, яко Мати Всемогущаго.

## ИН

**Ирмос:** Молитву пролию ко Господу и Тому возведу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

Грехов исполнени вси есмы, твоя же молитвы, преподобне Серафиме, яко кадило благовонно, ко Господеву восходят. Ныне молим тя: волнующееся в земли нашей море злаго неверия изсуши, и спасение душам нашим от Господа испроси.

Блажен воистинну был еси, преподобне Серафиме, нищетою богатство и плачем радость стяжав, юже приходящим обильно подавал еси: и ныне лучи чудес источаеши, и исцеляеши всех, с верою к тебе притекающих.

В пустыни кладенец ископав своима рукама, преподобне, приходящия жаждущия люди напоил еси, и ныне многим недужным водою кладенца сего болезни исцеляеши: воистинну дивнаго молитвенника и чудотворца всем, преподобне, Владыка ты показа.

**Богородичен:** Воистинну Тя, Матерь Божию, исповедуем, истинную Богородицу, Твоим бо рождеством тленнаго осуждения избавихомся, милосердия ради Человеколюбца Бога, и к жизни нетленной воззвани бехом.

## КОНДАК, ГЛАС 2:

Мира красоту и яже в нем тленная оставив, преподобне, в Саровскую обитель вселился еси: и тамо ангельски пожив. Многим путь был еси ко спасению: сего ради и Христос тебе, отче Серафиме, прослави, и даром исцелений и чудес обогати. Темже вопием ти: радуйся, Серафиме, преподобне отче наш.

**Икос:** Оставив род и други, богатство яко прах вменив, в пустыни Саровстей водворился еси: и, на страсти яко безплотен подвизався, ангелов ликостояния сподобился еси. Темже духовная разумения приим, подаждь и нам, преподобне, разумно песньми воспети тя, сице глаголющим: радуйся, Серафиме блаженне небесный человеке и земный ангеле: радуйся, в любви Христу подражателю: радуйся, святаго Духа обитель: радуйся, унывающим велие радование: радуйся, источнике исцелений: радуйся, скорбящим душам сладкое утешение: радуйся,



иноком тихое пристанище и учителю премудрый: радуйся, похвало земли Российския; радуйся, Серафиме, преподобне отче наш.

### ПЕСНЬ 7

**Ирмос:** Росодательну убо пещь содела Ангел преподобным отроком, халдеи же опаляющее веление Божие мучителя увеща вопити: благословен еси, Боже отец наших.

Чудно житие твое явися, преподобне, благодатию Божественнаго Духа исполнено: блаженну воистинну кончину праведных приял еси, о Христе радуяся: мы же к прославленному ты зываем: отец наших Боже, благословен еси.

Множество людей во святую обитель сошедшеся днесь, преподобне Серафиме, честным мощем твоим покланяется, от нихже исцеления вси почерпаем, непрестанно зовуще: отец наших Боже, благословен еси.

Во всю землю изыде вещание сие, яко в Сарове чудотворец преславен явися исцелений множество источая всем с верою приходящим и вопиющим: отец наших Боже, благословен еси.

**Богородичен:** Богородице Дево, рождающая Слово паче слова, Зиждителя Твоего, Того моли с преподобным Серафимом, помилуй души наша.

### ИН

**Ирмос:** От Иудеи дошедше, отроцы в Вавилоне иногда верою Троическою пламень пещный попраша, поюще: отцев Боже, благословен еси.

Помилуй нас, Господи, и от всякаго зла душетленного сохрани молитвами угодника Твоего, преподобнаго Серафима, да вси умильно вопием Ти: отец наших Боже, благословен еси.

Кто не почудится, кто не прославит неизследимую глубину милосердия Твоего, Господи, яко явил еси всему миру угодника Твоего, преподобнаго Серафима, молитвенника теплаго о нас вопиющих Тебе: отец наших Боже, благословен еси.

Благодарное сие пение, от нас приносимое тебе, преподобие Серафиме, прими, и всем нам, празднующим святую память твою и покланяющимся раце мощей твоих, исцеление даруй, вопиющим: отец наших Боже, благословен еси.

**Богородичен:** Ты еси, Пресвятая Богородице, прибежище наше и утверждение: моли Сына Твоего и Бога нашего подати нам спасение и грехов оставление.

### ПЕСНЬ 8

**Ирмос:** Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети. Ты превозносим во вся веки.

Плотския страсти укротив и мирови умертвився, глаголы жизни вечныя сердцем твоим, блаженне, приял еси, научая всех к тебе притекавших зывати: Господа пойте, дела, и превозносите Его во веки.

В прославлении честных мощей твоих, преподобне, обитель Саровская радости исполнися: людие же вси дивному во святых Своих Богу зываху: Господа пойте, дела, и превозносите Его во веки.

Благодатию Божественнаго Духа исполненный, преподобне Серафиме, верным людем, творящим святую память твою, молитвами твоими испроси грехов прощение, вопиющим: дети, благословите, священницы воспойте, людие превозносите Господа во веки.

**Богородичен:** Спасения ходатаица нам явилася еси, Богородице, рождающая Спаса и Владыку всех: темже молим Тя, спасения сподоби всех песнословящих Тя верно во вся веки.

## ИН

**Ирмос:** Царя Небесного, Егоже поют вси ангельстии, хвалите и превозносите во вся веки.

Добродетельному житию твоему, преподобне, позавидев враг вселукавый, восхоте запятие тебе сотворити, ты же, благодатию Божиею и молитвами Владычицы посрамив того, Бога прославил еси песнослова: Господа пойте, дела, и превозносите Его во веки.

Яко молния блистающися светится на поднебесней, тако и вещания о твоих, преподобне, чудесех во всю землю изыдоша: мы же, дивящися славе твоей, вопием: дети благословите, священницы воспойте, людие превозносите Господа во веки.

Суетными и страстными помышлениями мятущийся ум наш исцели, преподобне, волны злаго неверия землей нашей укроти, расслабленные житейскими попечениями сердца наша укрепил, да славим Христа Содетеля во вся веки.

**Богородичен:** Радуйся, престоле Господень огнезрачный: радуйся, заре невещественного блистания: радуйся, облаче возсиявшего солнца праведного, Христа Спаса нашего, Егоже превозносим во вся веки.

## ПЕСНЬ 9

**Ирмос:** Бога человеком невозможно видети, на Негоже не смеют чини ангельстии взирати: Тобою же, Всечистая, явися человеком Слово воплощено: Егоже величающе, с небесными вси Тя ублажаем.

Недостойными усты воспеваемое тебе малое хваление наше, преподобе, не презри, но прими: и всех прославляющих тя освяти, бед, и напастей, и вечного мучения избави, да ты присно воспеваем.

Мраз ночный и вар дневный во уединении пустынем доблественно претерпев, дом премудрости Божия был еси и к сиянию невечернему востекл еси: моли спастися нам.

Славится днесь обитель, в нейже ярем Христов прияти изволил еси: тамо бо в пустыни дни своя пребыв, своими учениями многи приходящая к тебе вразумил и научил еси быти чада Церкви Христовы.

**Богородичен:** Ты еси крепость наша, Ты еси похвала и радование, хранительница наша, заступление, прибежище и предстательница непобедимая: Пречистая Богородице, спаси рабы Твоя.

## ИН

**Ирмос:** Воистинну Богородицу, Тя исповедуем, спасении обою, Дево Чистая, с безплотными лики Тя величающе.

Великим отцем, древле в посте и подвизах просиявшим, поревновав, преподобне, чрез вся дни живота твоего в молитве, слезах и трудех пребыл еси, дондеже достигл еси небесныя обители: темже ты достойно ублажаем.

Крепкою силою Христос Бог тя препоясав и укрепил победити козни демонския, преподобне. Темже ныне молим тя: моли Человеколюбца Бога, да избавит всех нас от вражиих находений и искушений, и спасет души наша.

В болезнях и скорбях наших к тебе, преподобне, прибегаем и из глубины душевныя вопием: буди нам небурное пристанище и болезнем скорый целитель, и избави нас от всякаго недуга и нужды, да ты непрестанно величаем.

**Богородичен:** Единого от Святыя Троицы, Слова и Сына родила еси, Дево Пречистая, Егоже с преподобными и праведными моли о рабех Твоих, верою просящих грехов прощения.

### **СВЕТИЛЕН.**

#### **ПОДОБЕН: ЖЕНЫ, УСЛЫШИТЕ:**

Приидите, вси вернии, священными песньми восхвалим дивнаго в чудесех преподобнаго Серафима, новаго светильника Российския земли, Ангелом собеседника и теплаго молитвенника к Богу о чтущих святую память его.

#### **СЛАВА, И НЫНЕ, БОГОРОДИЧЕН:**

По Бозе упование имуще на Тя, Пречистая Богоподице, молим Ти ся: Рождшагося из Тебе умоли даровати мир вселенней и велию милость.

#### **НА ХВАЛИТЕХ СТИХИРЫ НА 4, ГЛАС 8:**

Приспе всечестный праздник обители Саровския, память преподобнаго Серафима, емуже ныне сице возопиим: радуйся, постником светило и утверждение, иноком звездо, якоже волхвом, показующая путь в небесныя обители, священником похвало преславная, любве и целомудрия источниче приснотекущий, светильниче пресветлый духовнаго разсуждения: радуйся, правило добродетелем великое. (дважды)

Блаженне отче Серафиме, Христови воистинну последовал еси, братолюбием и незлобием всех к себе привлекая, кротостию же и смирением многи добродетельному пути научая. Темже любовию память твою, преподобне Серафиме, убожаем.

В пустыню вселился еси, преподобне, и, тамо исполнився духовныя премудрости, на высоту добродетели возшел еси. Темже вопием ти: радуйся, церковное украшение, священником доброе утешение, иноком благолепие и похвало Серафиме блаженне: моли Христа Бога мир вселенней даровати и душам нашим велию милость.

#### **СЛАВА, ГЛАС 6:**

Приидите, иноков собори и постников сословие, приидите христоименитых людей множества, песньми истиннаго постника почтим, вопиюще: радуйся, по стопам Владыки Христа узким путем управляемый, и притекающим к тебе в бедах и скорбях скорый помощниче, и спасения ходатаю предивный: радуйся, даром пророчества украшенный, прорицай яко настоящая, грядущая: молися, преподобне Серафиме, о чтущих верою и любовию святую память твою.

#### **И НЫНЕ, БОГОРОДИЧЕН, ГЛАС ТОЙЖЕ:**

Богородице, Ты еси лоза истинная, возрастившая нам плод живота: Тебе молимся, молися, Владычице, со святыми апостолами, помиловати души наша.

#### **СЛАВОСЛОВИЕ ВЕЛИКОЕ И ОТПУСТ.**

## **НА ЛИТУРГИИ**

## **Блаженны от канона первого песнь 3-я и второго КАНОНА ПЕСНЬ 6-Я.**

Прокимен, глас 7: Честна пред Господем смерть преподобных Его.

Стих: Что воздам Господеви о всех, яже воздаде ми?

**АПОСТОЛ К ГАЛАТОМ, ЗАЧАЛО 213.**

**ЕВАНГЕЛИЕ ОТ ЛУКИ, ЗАЧАЛО 24, ИЛИ**

**ОТ МАТФЕЯ, ЗАЧАЛО 10.**

**ПРИЧАСТЕН: В ПАМЯТЬ ВЕЧНУЮ.**

### **МОЛИТВА**

О, пречудный отче Серафиме, великий Саровский чудотворче, всем прибегающим к тебе скоропослушный помощниче! Во дни земнаго жития твоего никтоже от тебе тощ и не утешен отъиде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилен в тебе явися. Егда же призва тя Бог от земных трудов к небесному упокоению, николиже любовь твоя преста от нас, и невозможно есть исчислити чудеса твоя, умножившаяся, яко звезды небесныя: се бо по всем концем земли нашае людем Божиим являешия и даруеши им исцеления. Темже и мы вопием ти: о претихий и кроткий угодниче Божий, дерзновенный к Нему молитвенниче, николиже призывающия Тя отрევаяй, вознеси о нас благомощную твою молитву ко Господу Сил, да укрепит отечество наше, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию научит нас, во еже безпреткновенно внити нам в вечное Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу до скончания века. Аминь.

### **ИНАЯ МОЛИТВА**

О, великий угодниче Божий, преподобне и богоносне отче наш Серафиме! Призри от Горния славы на нас, смиренных и немощных, обремененных грехми многими, твоя помощи и утешения просящих. Приникни к нам благосердием твоим и помози нам заповеди Господни непорочно сохранять, веру Православную крепко содержать, покаяние во гресех наших усердно Богу приносить, во благочестии христианством благодатно преуспевати и достойны быти твоего о нас молитвеннаго к Богу предстательства. Ей, святче Божий, услыши нас, молящихся тебе с верою и любовью, и не презри нас, требующих твоего заступления: ныне и в час кончины нашае помози нам и заступи нас молитвами твоими от злобных наветов диавольских, да не обладает нами тех сила, но да сподобимся помощью твоею наследовати блаженство обители райския. На тя бо упование наше ныне возлагаем, отче благосердый: буди нам воистинну ко спасению путевождь и приведи нас к невечернему свету Жизни Вечныя Богоприятным предстательством твоим у Престола Пресвятыя Троицы, да славим и поем со всеми святыми достопокланяемое Имя Отца и Сына и Святаго Духа во веки веков. Аминь.

### **АПОСТОЛ (ГАЛ. 5, 22 – 6, 2.)**

Братие, плод духовный есть любы, радость, мир, долготерпение, благость, милосердие, вера, кротость, воздержание: на таковых несть закона. А иже Христовы суть, плоть распяша со страстьми и похотьми. Аще живем духом, духом

и да ходим. Не бываем тщеславни, друг друга раздражающе, друг другу завидяще. Братие, аще и впадет человек в некое прегрешение, вы духовнии исправляйте такового духом кротости: блюды себе, да не и ты искушен будеши. Друг друга тяготы носите, и тако исполните закон Христов.

### **ЕВАГЕЛИЕ НА УТРЕНИ (МФ. 11,27-30)**

Реце Господь Своим учеником: вся Мне предана суть Отцем Моим; и никтоже знает Сына, токмо Отец; ни Отца кто знает, токмо Сын, и емуже аще волит Сын открыти. Приидите ко Мне, вси труждающися и обремененнии, и Аз упокою вы; возьмите иго Мое на себе, и научитесь от Мене, яко кроток есмь и смирен сердцем и обряцете покой душам вашим: иго бо Мое благо, и бремя Мое легко есть.

## **Житие преподобного Серафима, Саровского Чудотворца**

Имя преподобного отца Серафима Саровского широко славится по всей Руси. Он родился 19-го июля 1759 года в Курске от благочестивых и состоятельных родителей - купца Исидора Мошнина и жены его Агафии; во святом крещении наречен был Прохором.

Через три года отрок Прохор лишился своего отца, который незадолго до смерти взялся строить новый храм во имя преподобного Сергия, и труды его по храмостроительству продолжила Агафия. Однажды, семилетний Прохор, осматривая с матерью постройку храма, оступился и упал с самого верха колокольни; к величайшей радости матери остался целым и невредимым, в чем она не могла не видеть особого попечения Божия об ее сыне.

Будучи 10 лет, Прохор сильно заболел и был при смерти. В сонном видении явилась ему Царица Небесная и обещала посетить и даровать исцеление. В ту пору несли крестным ходом по Курску чудотворную икону Знамения Божией Матери. Когда проносили ее по улице, где стоял дом Мошниных, пошел дождь, и пришлось пронести икону через Агафьин двор. Вынесла тогда она своего больного сына, и приложился он к иконе, и икону над ним пронесли. С этого дня он стал быстро поправляться.

С любовью прилежал Прохор к книжному учению, изучая Священное Писание и другие божественные книги. Между тем, старший его брат, занимавшийся торговлей, стал приучать к ней Прохора, но сердце отрока не лежало к этому делу: душа его стремилась стяжать себе духовное сокровище, нетленное и неоскудеваемое. Не имея возможности посещать в будничные дни божественную литургию, Прохор не пропускал ни одного дня без посещения храма Божия и с рассветом поднимался, чтобы послушать утреню; в воскресные и в праздничные дни он особенно любил заниматься чтением духовно-назидательных книг, читая вслух своим сверстникам, но более предпочитал уединение и безмолвие. От матери Прохора не утаилось направление ее сына, но она не противоречила его желанию. И вот, когда благочестивому юноше исполнилось семнадцать лет, он твердо решил оставить мир и, с благословения матери, напутствовавшей его медным крестом, с которым с тех пор никогда не расставался, посвятил себя иноческой жизни.

Оставив мир, блаженный отправился сначала на богомолье в Киево-Печерскую лавру, где один прозорливый затворник, по имени Досифей, провидя в юноше доброго подвижника Христова, благословил его идти спасаться в Саровскую пустынь. 20-го ноября 1778 года девятнадцатилетний Прохор Мошнин, в самый канун праздника Введения во храм Богоматери, под вечер пришел в Саров. Ласково принятый настоятелем пустыни, старцем Пахомием, юный Прохор сразу предался иноческим подвигам. С постоянной молитвою он усердно проходил все возлагаемые на него послушания: к службам он приходил первый, выстаивал неподвижно все богослужение; в келье занимался духовным чтением, особенно прилежал Евангелию, посланиям Апостолов, Псалтирю, а также творениям св. отцов. Спал он мало и держал строгий пост. Мало этого: его боголюбивая душа жаждет полного уединения в пустыни, где ничто не тревожит и не мешает молитвенному погружению в созерцание Бога. И вот избранник Божий, взяв у старцев благословение, стал в свободное от послушания время уходить в лес. Строгость жизни Прохора привлекала к себе общее внимание братии и многие удивлялись силе его подвигов.

Во время его сильной трехлетней болезни предложенное ему братией лечение он отклонил, возложив все упование на милость Божию. Когда положение Прохора было крайне опасное, ему явилась Пресвятая Богородица и исцелила его. Вскоре келья, где произошло дивное посещение, была снесена, и на том месте поставлен больничный корпус с храмом.

На 28-м году от рода, 13-го августа 1786 года, Прохор пострижен в иноческий образ с наречением имени Серафим. В декабре 1787 года преподобный был посвящен в сан иеродиакона. 6 лет он почти непрерывно находился в служении. Бог давал ему силы, - он не нуждался почти в отдыхе, забывал часто о пище и с сожалением уходил из Церкви. Однажды на страстной седмице, во время Божественной литургии, ему было знаменательное видение: в необыкновенном свете Серафим узрел Господа нашего Иисуса Христа во образе Сына Человеческого во славе, сияющего неизреченным светом и окруженного Небесными Силами: ангелами, архангелами, херувимами и серафимами. От западных церковных врат шел он по воздуху, остановился против амвона и, воздвигши Свои руки, благословил служащих и молящихся.

В сентябре 1793-го года, о.Серафим был рукоположен в сан иеромонаха. 20-го ноября 1794 года после кончины своего наставника, блаженного старца Пахомия, приняв благословение нового настоятеля, старца Исаии, своего отца духовного, преподобный Серафим оставил обитель для безмолвных подвигов в пустыне.

Келья преподобного Серафима находилась в дремучем сосновом лесу, на берегу реки Саровки, на высоком холме, верст за 5-6 от монастыря, и состояла из одной деревянной комнатки с печкой. Подле кельи преподобный устроил огород, а потом и пчельник.

Одежду-преподобный Серафим носил всегда одну и ту же, простую, и даже убогую: на голове поношенную камилавку, на плечах-полукафтанье; как-бы в виде балахона из белого полотна, на руках кожаные рукавицы, на ногах кожаные чулки и лапти; на балахоне его висел неизменно крест, которым благословила его некогда мать, отпуская из дома во святую обитель, а за плечами лежала сумка, в которой подвижник неразлучно носил при себе св. Евангелие.

Все время проходило для ревностного подвижника Христова в непрестанных молитвах и псалмопениях, чтении священных книг и телесных трудах. В холодную пору преподобный собирал сучья и хворост и рубил своим топориком дрова для

отопления своей кельи. Летом он работал на своем маленьком огороде, овощами которого он преимущественно питался.

Накануне воскресных и праздничных дней святой Серафим приходил в Саровскую обитель, слушал вечерню, всенощное бдение или утреню, причащался св. Тайн, после чего до вечерни принимал приходивших к нему по своим нуждам братьев, и потом, взяв с собой хлеба на неделю, возвращался в свою пустынную келью. Всю первую неделю Великого Поста он проводил в монастыре, причащаясь св. Тайн. С молитвенными подвигами блаженный старец соединял подвиги великого воздержания и поста. В начале своей отшельнической жизни он питался сухим хлебом, впоследствии преподобный Серафим еще более усугубил свой пост, отказавшись даже от хлеба и питаясь овощами своего огорода.

Всякие искушения претерпел о.Серафим в пустыне, не ослабевая в мужестве. Враг нашего спасения - диавол, видя, что не может удалить ревностного подвижника от пустынной жизни, употребил своим орудием злых людей, которые встретив преподобного в лесу, стали требовать от него денег, будто-бы получаемых им от проходящих мирян. Старец отвечал, что он ни от кого не получает денег, но они не поверили и бросились на него. Серафим обладал телесной силою и, с топором в руках, мог бы защищаться, но, опустив топор, сложил крестом на груди руки и кротко сказал: "Делайте, что вам надобно." Злодеи стали бить старца, связав веревками, и, думая, что он убит, бросились в келью для грабежа, но нашли только икону и несколько картофелин; на злодеев напал страх, и они убежали. Между тем Серафим, очнувшись и кое-как развязав себе руки, поблагодарил Господа за безвинное страдание, помолился о прощении грабителей и к утру добрался до обители истерзанный, с запекшейся кровью. Восемь суток он лежал еле живой, не принимая никакой пищи. Отчаявшись за его жизнь, послали за врачами, которые нашли, что голова проломлена, ребра перебиты, по телу смертельные раны, и удивлялись, как старец мог остаться в живых после таких побоев. И опять преподобному Серафиму было дивное видение: Пресвятая Богородица во славе, с апостолами Петром и Иоанном Богословом, явилась к его одру и произнесла в ту сторону, где были врачи: "Что вы трудитесь?" а старцу: "Сей от рода моего!" После этого видения о.Серафим отклонил лечение, умоляя предоставить свою жизнь Богу и Пресвятой Богородице, и в тот же день, почувствовав возвращение сил, встал с постели. Но пять месяцев он провел, управляясь, в обители, и снова возвратился в пустыню.

Многие, узнав о строгой жизни преподобного отца Серафима, приходили к нему за советом и наставлениями. Умея узнавать и различать людей, старец от некоторых уклонялся, сохраняя молчание. Но тех, кто имел до него действительную духовную нужду, он охотно принимал и с любовью руководил их своими советами, наставлениями и духовными беседами. Даже диким зверям преподобный Серафим внушал Благоговение: многие, посещавшие его в дальней пустыни, видели около него громадного медведя, которого он из рук кормил.

При виде таких подвигов великого старца исконный враг рода человеческого вооружился против него всевозможными искушениями и кознями. Так, он наводил на подвижника различные страхования, то испуская за дверями как-будто вой дикого зверя, то представляя, что как-будто скопище народа ломит дверь его кельи, выбивает косяки; по временам, во время молитвенного предстояния, преподобному Серафиму представлялось, что келья его разваливается и со всех сторон врываются с яростным рыком страшные звери. Но все это страшные видения, сопровождаемые иногда и телесными страданиями, благодатный старец превозмогал теплою молитвою и препобеждал силою Честного и Животворящего

Креста Господня. Неоднократно старец был искушаем духом честолюбия, избираемый в игумены и архимандриты разных монастырей; но он всегда с непоколебимой твердостью отклонял от себя эти назначения, стремясь к истинному подвижничеству. Дьявол воздвиг на него сильную мысленную брань, поддерживая ее с такой силою, от которой падали некоторые из великих подвижников, но с помощью Божией и Пречистой Его Матери преподобный победил все.

Три года преподобный о.Серафим провел в совершенном молчании, ни с кем не говоря ни слова. Желая подражать св. Симеону столпнику, о. Серафим 1000 дней и 1000 ночей простоял на камне. Камней, на которых он стоял, было два: один находился в его келье, здесь подвижник стоял с утра до вечера, сходя с него только для принятия пищи, а по закате солнца он переходил на камень, находившийся в лесу, и стоял на нем всю ночь до рассвета с воздетыми к небу руками, молясь Богу словами мытаря: *Боже, милостив буди мне, грешному!* Подкрепляемый благодатью Божией, он мужественно терпел зимой мороз, осенью дождь, летом зной, страдая от мух и комаров и вынося множество нападений духов злобы. Подвиг этот совершался преподобным в такой тайне, что никто не знал о нем, пока он сам не поведал об этом некоторым из братьев.

Проходя трудный путь подвигов, преподобный Серафим привел свое тело, особенно ноги, в совершенное изнеможение. Не будучи в силах приходить в монастырь в праздничные дни, для принятия св.Тайн, он навсегда простился с дальней своей пустынькой и после шестнадцатилетнего в ней пребывания, 8 мая 1810 года возвратился в монастырь, где подъял на себя новый труднейший подвиг затворничества.

Затворился преподобный на 17 лет, никуда не выходя и понемногу ослабляя строгость своего затвора. Первые 5 лет никто не видел его, и даже брат, приносивший ему скудную пищу, не видел, как старец брал ее. Затем святой старец открыл келейную дверь, и всякий мог приходить к нему, но на вопросы имевших в нем нужду не отвечал, приняв обет молчания пред Богом и безмолвно продолжая свое духовное делание. В келье не было ничего, кроме иконы Богоматери, перед которой теплилась лампада, и обрубка пня, служившего ему стулом. Дубовый некрашенный гроб стоял в сенях, и старец молился близ него, готовясь постоянно к переходу от временной жизни к вечной.

Через 10 лет безмолвного затворничества, по Вышней воле, преподобный Серафим снова отверз свои уста для служения миру - своей любовью, ниспосланной от Бога благодатными дарованиями учительства, прозорливства, чудес и исцелений, своим духовным руководством, молитвою, утешением и советами. Двери кельи его стали открыты для всех - от ранней литургии до восьми часов вечера. Среди многочисленных посетителей являлись к святому Серафиму и знатные лица и государственные деятели, коим он делал соответствующие наставления, поучая их верности святой Православной Церкви и отечеству. Посещали старца и лица царской фамилии; так, в 1825-м году у него принял благословение великий князь Михаил Павлович.

В ноябре 1825-го года преподобный Серафим совсем оставил свой затвор: в сонном видении ему явилась Божья мать со святителями Климентом Римским и Петром Александрийским и разрешила выйти из затвора и посещать пустынь. Влияние благодатного старца не ограничивалось лишь Саровской пустынью. Исключительное значение он имел для развития местного женского иночества. Особенно трогательны были отношения преподобного Серафима к Дивеевской общине, основанной в 1780 году помещицей Мельгуновой.



За год и десять месяцев до своей кончины преподобный Серафим сподобился на яву двенадцатого в его жизни посещения Богоматери, которое было как бы предзнаменованием его блаженной кончины и ожидающей его нетленной славы.

Первого января 1833 года отец Серафим пришел в последний раз в больничную церковь; ко всем иконам поставил свечи и приложился, потом причастился святых Христовых Таин. По окончании Литургии он простился со всеми молившимися братьями; все заметили в нем крайнее изнеможение сил телесных, но духом старец был бодр, спокоен и радостен. Вечером того же дня старец пел в своей кельи пасхальные песни.

Второго января, часу в шестом братия, войдя в келью преподобного, увидели его стоящим на обыкновенном месте молитвы пред аналоем на коленях. Его руки, сложенные крестообразно, лежали на аналое, на книге, по которой он совершал свой молитвенный труд перед образом Божьей Матери "Умиления", а на руках - голова. Полагая, что он уснул, стали осторожно его будить, но ответа не было: старец Серафим окончил свое земное странствование и в Боге почил на веки. Тело преподобного было положено в приуготовленный им же при жизни дубовый гроб и погребено по правую сторону соборного алтаря.

Весть о кончине святого старца быстро распространилась повсюду, и вся окрестность Саровская быстро стеклась в обитель. Особенно тяжка была скорбь Дивеевских сестер, потерявших в нем своего любимого духовного отца и попечителя.

В продолжении семидесяти лет со дня кончины преподобного Серафима, православные люди во множестве приходили с верой к могиле его, и по молитве получали чудесные исцеления от разных болезней душевных и телесных.

В январе 1903 года Святейший Синод в полном убеждении в истинности и достоверности чудес, совершаемых по молитвам старца Серафима, определил признать его в лике святых, благодатию Божиею прославленных, а всечестные останки его - святыми мощами. Торжественное прославление новоявленного угодника Божия было совершено 19 июля 1903 года и сопровождалось многочисленными исцелениями, истекавшими по молитвенному предстательству преподобного Серафима, Саровского Чудотворца.

Молитвами его да сохранит Господь Бог и нас всех от всяких скорбей и болезней! Богу же, дивному во всех святых Своих, да будет всякая честь, слава и поклонение - всегда, ныне и присно, и во веки веков. Аминь.

©2003

Andrew Stepanoff